

上清靈寶大法卷之九

獸十

上清靈寶大法卷之九

獸十

洞玄靈寶法師南曹執法者推重初府右翊治金系編

齋直禁忌品

三元

正月十五日

七月十五日

十月十五日

右天地水三官二十七府百二十曹凡三
會日考校罪福三元日奏御上宮可以行
道建齋修身謝過

三會

正月七日舉遷賞會

七月七日慶生中會

十月五日建生大會

右三會上三官考覈功過三鬼攢送生人
善惡又謂之三鬼會日此是本命之日亦
更有小攢會日台光以甲子日上詣爽靈
以庚申日上詣幽精以本命日上詣亦言

第十

生人善惡其日宜受符籙齋戒呈章拜表
以祈景福

五臘

正月一日天臘 五月五日地臘 七月七

日道德臘 十月一日民歲臘 十二月臘

玉侯臘

右五臘日爲五帝攢會之日此日鄧都北
陰大帝皆引出生人久遠玄祖父母幽獄
鬼竄責問住處陰司年代積罪結讐端由
及子孫姓名墳墓所在如積劫未有追贖

因此日皆延累生人其日引問得子孫兄
弟親姻九族姓名攢集校定以爲生人罪
狀正一道民之徒此日誠憑法力祭祀追
贖幽途皆一一得福常日祭祀不可達也
出正一玉經

每月十直齋日

一日西北方北斗下 八日北斗司殺君下

十四日東北方太一使者下 十五日東方

天帝及三官下 十八日東南方天一下

二十三日南方太一八神使者下 二十四

日西南方北辰下 二十八日西方太一下

小盡終二二十九日下方中太一下 三十

日上方上太一下

已上出業報因緣經又別文云十方天尊

下又云十方天君下

節會日

天節甲午 地節甲申 人節甲子 天會

丙午 地會壬午 人會壬子 日會庚午

星辰會辛酉 月會庚申 五行會甲辰

四時會甲戌

右節會及五臘宜修齋設醮祭祀先靈

甲子太一簡閱神紙庚申日三尸言人罪過

本命日計人功行

又云甲寅庚申尸鬼競亂宜避房室又玉

經云此三日為小攢會日凡三元考校未

盡者於此重考校焉

八節

立春 春分 立夏 夏至 立秋 秋分
立冬 冬至

按真誥云八節之日皆當齋戒立靖謀諸

獸十

三

善事以營於道之方也慎不可以其日忿
爭喜怒及行威刑皆天人之大忌也

午卯日

凡午卯之日常當清齋入室東向心拜存神
養炁期感神明亦適意所陳常如此者玉女

降侍

避忌日

李少君口訣道士
求仙者勿與女子

三月九日

六月二日

九月六日

十二

月三日

其日當入室不可見女子六尸亂則藏血

擾潰飛越三魂失守神凋氣逝積以致死
所以忌此日者非但塞遏淫泆而已將安
女宮女宮在申男宮在寅寅申相刑刑殺
相加是日男女三尸出於目朱童之中女
尸招男男尸招女禍害往來喪神虧正雖

人不自覺而形容自損由三尸戰於眼中
流血於泥丸也子至其日雖至寵之女子
親愛之令婦固不可相對我先師但修此
道而仙矣復不及至親無心者矣子其慎
之此乃仙人劉綱妻女仙也

出神
仙傳

又別條云凡甲寅庚申之日是尸鬼競亂
精神躁穢之日也不可與夫妻同席及言
語會面當清齋不寢其日遣諸可欲旦望
每月初一日爲旦十六日爲望則以官曆
逐月十四日十五日十六日考之並合朝

修祈恩謝過

月忌

正月二日

申又庚

二月九日

亥又辛

三月十日

甲又

戊

四月十一日

亥又癸

五月十一日

子又壬

六月

十日

丑又癸

七月十二日

寅又甲

八月十三日

乙又

卯九月十三日

辰又甲

十月八日

巳又丁

十一月

十五日

午又丙

十二月十三日

未又丁

已上日忌燒香每日常行香火不拘

帝煞日

正月庚申

二月辛卯

三月庚戌

四月

癸亥 五月壬子 六月癸丑 七月甲寅

八月乙卯 九月甲辰 十月丁巳 十一

月丙午 十二月乙未

已上忌燒香

聖忌

丙寅 丁卯道父忌 丙申 丁酉道母忌 壬辰

壬戌北帝忌 戊辰 戊戌南帝忌 絕命本命絕 歲星

行年到日 六害本命對日 月晦月窮之日 歲破太歲對衝

已上日不宜行道燒香亦不宜殺宜正坐

思心悔過聖自懸知

祈懇日

正月四日 二月八日 三月十五日 四

月八日 五月九日 六月六日 七月七

日 八月八日 九月九日 十月五日

十一月三日 十二月十二日

戰十

五

已上日乃太上大道君登玉霄琳房四盼

天下有志節遠遊之心者至其日平旦日

出時北向再拜亦可於靜中也自陳本懷

所願畢咽液三十六過又云東海青童君

常以丁卯日登方諸東華臺四望以此日

常可向日出行之可因此以服日精

禁忌

生蔥

韭

大蒜

小蒜

胡荽

此為五辛

五辛舊有其說多矣大槩此等物辛臭烈甚食之經日尚臭出口中對人言語已覺

不可況於持誦神文朝真行事乎五辛之

外更有薤藟蔥似之屬皆不宜食不必細為

之說

鴈犬

黑蟲魚

鯉字非也此名三厭

三厭之外更有鰲鱓之類皆腥穢之氣難

退者並不宜食

臨尸

吊喪

新產

新刑

殺所

屠坊

淫舍

已上皆不可食

李少君口訣法道士求

仙不欲見死人尸損神壞炁之極人君師

父親愛不得已而臨之爾所以道士遠世

不事王侯是無君也塊然獨處是無友也

惟父母師主不得不臨喪致感極之哀不

吝性命之傷苟以此故而傷是無傷也吾

其祕文故口傳焉

本命日常以其日向本命方叩齒三通心
存再拜呪曰

太一鎮生 三炁合真 室胎上景 母玄父元

生我五藏 攝我精神 下灌玉液 上朝泥丸

夕鍊七魄 朝和三炁 左命玉華 右嘯金晨

歌十

六

令我神仙 役靈使神 常保利貞 飛行十天

呪畢心拜四方叩齒三通咽液三過此名

為太上祝生隱朝胎元之道常能行之令

冤鬼保守長生神仙

又法學道之士當先檢制冤鬼消滅尸鬼

常以晦朔之日庚申甲子之日清齋入室
沐浴塵埃正席而坐得不眠者益善以真
朱筆點左目下以雄黃筆點右鼻下令小
半入谷裏點畢先叩齒三通微呪曰

上景飛纏 朱黃散烟 炁攝虛邪 尸穢沈泯

和魂鍊魄 合體大神 令我不死 高壽永寧

聰明徹視 長享利貞

呪畢又叩齒三通咽液三過併右手第二
指躡右鼻孔下左手第二指躡左目下各
七過當盡陰穢按之勿舉於是都畢按此

二處是七鬼遊尸之門尸鉞精賊邪之津
梁矣故受朱黃之精塞尸鬼之路引二景
之勲遏淫亂之炁也此太極上法常能行
之則冤鬼和柔尸穢散絕長生神仙通炁
徹視行之三年色念都泯矣

此太靈
真法

淨穢

歌十


六

太上九變十化易新經曰若履厭穢及諸
不淨處當澡浴與解形以除之其法用竹
葉十兩桃枝削去白四兩以清水一斛二
斗於釜中煮之令一沸出適寒溫以浴形

即萬厭消除也既以除厭又辟濕痺瘡癢之疾且竹葉虛素而內白桃即却邪而折穢故用此二物以消形中之滓濁也天人遊下世間既返則未嘗不用此水而自蕩也至於世間符水呪漱含之近術皆莫比於此方也若浴者益佳但不用此水以沐之耳鍊尸之素漿正宜以浴耳真竒秘也

紫微王夫人授解穢符

又攝穢符



允中蒙師祕授今立願編校大法不敢隱惜其法以梓木作簡如尋常朝謁簡之狀只令微小爾書前符刻之簡上常護淨之遇食葷履厭之後或有急切行持不暇浴

洗則先用茅香煎水七合以漱口罷點七點於左右手心內將兩手拭目呪曰積穢隨水行盡從神窻出急急如律令次於聖前焚香叩齒四十九通執簡以攝穢符向伸對口躬身呵炁於符上呪曰

穢炁出正炁入正炁存穢炁去三十六厭三十六穢神符攝盡絳宮寧一朗清神戶

呪畢放簡回身掐斗訣步斗罡上吸炁一口拋訣以次行事此備急之法若登壇朝謁奏啓焚修事體稍重自從科浴沐也

歌十

八

式假

應行持之士身遭大喪及父母度師並具申三天門下移文將吏閉靖不可焚修如遇事變急切不及動狀則作關付功曹土地騰啓上玄大喪三年二十七箇月不計

閏月此服制也道家惟忌厭穢尸既收掩
穢炁已除百日式假聽解穢入靖朝修服
制自終三年舊儀大喪一年既非服制之
限不應廢缺朝修一歲之久如尸柩未殯
寢處柩傍者不問日限自不合入靖也暮
喪一月解穢申牒如式暮喪不臨尸大功
以下不臨尸並三日式假解穢入靖暮功
之外尸不當臨避之可也吊不可廢隨即
解穢矣非親雖厚並合避厭也大喪事異
解穢沐浴訖關申合屬真司收復將吏一

如常儀

生產穢

道士出家自處琳宮一切生產並合回避
俗士修真惟生子義不容遠合終月之後
方可解穢入靖悉如前儀此外並合回避

歌十

九

違者考罰

理髮呪

泥丸玄華 保精長存 左為隱月 右為目根
六合清鍊 百神受恩
呪畢咽液三過能常行之髮不墮落當數

易擲擲之取多而不使痛亦可令侍者擲
取多也於是血液不滯髮根常堅且向旺
方

澡浴呪

天地開朗 四大為常 玄水澡穢 辟除不祥

雙童守門 七真安房 靈津鍊灌 萬炁混康

內外利貞 保茲黃裳 急急如律令

食呪

百穀五味 流入脾胃 五藏安寧 尸邪未墮

七祖蒙恩 長生久視

脫衣呪

受命太帝 上升九官 百神安位 列侍神公
萬鬼和鍊 五藏華豐 百骸玄注 七液虛充
火鈴交煥 滅鬼除凶 上願神仙 常生無窮
夜臥呪

天有九皇 地有九宮 我身百節 萬神相從
三尺伏滅 五藏流通 三田四支 動息守中
龍虎八卦 侍我瓊容 鬼妖萬精 勿干真宮

登廁呪

左德神 右德神 左司土 本夫人

除我死籍 上我生名

允中按古科齋直之日禁忌之條散諸經
誥不可備述但切於修用略出而已設醮
祈恩登壇啓事上章拜表首過謝愆皆可
以其日行事若無禱請因此檢制行爲去

第十

十

非寡過亦清修之一助有如不可親之事
不當食之物昏亂神炁濁穢身形豈應不
屏斥也若躬行於道德之域心宅於冲靜
之鄉寢寐不忘造次毋失當此之際無時
非齋又何日分之拘耶儻身之不修行之

不檢僭冒法錄違越禁忌則三官考罰五
帝糾愆九祖同辜一身受罰非道不慈也
天台法中第二十三品作齋戒節度內十
戒係靈寶本科九中從古法已編入第一
品此外齋直日分頗近科條但所引經典
之名多是三洞品目古無者今雖傳行於
世未宜憑據

沐浴常以東井之日

正月十日 二月八日 三月六日 四月

四日 五月一日 六月二十七日 七月

十五日 八月二十二日 九月二十七日
十月十八日 十一月十五日 十二月十
三日

上清靈寶大法卷之九

第十

十



木
水

